



Nappaatip suussusersin qarnerata kingorna ikiorneqarneq tapersersorneqarneerlu

Nappaatip suussusersineqarneerata kingorna ikiorneqarneq tapersersorneqarneerlu

Puigornermik nappaateqalerneq, Peqqinnissaqarfimmi, napparsimmavimmi kommunimilu najukkanni ilinniagalinnut assigiinngitsorpassuarnut attaveqarnermik nassataqartarpoq. Suliassat suut ilinniagalit ataasiakkaat nalinginnaasumik isumagisaraat, qanorlu suleqatigiittartut, matumani atuarsinnaavatit.

Nakorsamit ikiorneqarneq

Peqqissutsit qanorlu inissisimanerit nakorsap ilismaarilluarajummagu, nakorsaq napparsimanerit tamaat pingaarnertut inissisimavoq. Illit ilaqtavillu eqqortumik ikiorneqarneri, nakorsaatit allangussanersut peqqissutsikkullu allanik ajornartorsiuteqalissagaluaruit ikiuussinnaanissaq pillugit qulaajaanermi, nakorsaq ikiuussinnaavoq. Nappaatip puigortunngornerup ineriartornera pillugu ukiumut ataasiarluni marloriarluniluunniit nakorsamik oqaluussaqaqartarnissaq iluassaaq. Tamatumani illit nammineq saaffiginnittassaait najukkannilu Peqqinnissaqarfimmut attaveqarlutit. Pisariaqarpat qanigisannik ikiorteqarit.

Puigortunngortunut ataqatigiissaarisooq

Nunatsinni kommunit ilaanni puigortunngortunut ataqatigiissaarisooqarpoq. Kommunimi puigortunngortunut ataqatigiissaarisooq napparsimaninni ilinnut qanigisannullu attaveqaataagajussaaq. Ataqatigiissaarisup puigortunngorninni ulluinnarni pitsaasumik inuuneqarsinnaanissannut siunnersussavaatit najukkamilu tapersersorneqarsinnaanermut, sungiusarneqarsinnaanermut sammisassaqaarsinnaanermullu neqeroorutiniq ilisimatissinnaallutit.

Ass. angerlarsimaffimmi peqqissaasoqarnissamik, timikkut sungiusarneqarnissamik imal. eqqarsarsinnaassutsip ilisimasanillu atuisinnaassutsip siuarsarneqarnissaannik pisariaqartitsilissaguit, puigortunngortunut ataqatigiissaarisooq kommunip innersuussisarfanut, aamma innersuussisinnaavoq.

Akuersissaguit puigortunngortunut ataqatigiissaarisooq nakorsamut attaveqarsinnaavoq taamaalillunilu nappaatit pillugu paasissutissat pingaarutillit nakkutiginnissaannut ikiorsinnaassallutit.

Qanigisannit ikiorneqarnissannut akuersissummik pisinnaavutit.

Puigortunngortunut ataqatigiissaarisooqarnersoq suullu neqeroorutiginnissaaneraat paasiniaarlugu najukkanni kommuni illit nammineq saaffigissavat.

Ilinnigalinnik ataatsimeeqateqarnissat iliuseqarfiginnissaannut siunnersuutit pitsaasut:

- Nakorsiassaguit imal. puigortunngortunut ataqatigiissaarisumik allanilluunniit ataatsimeeqateqassaguit qanigisannik ilaqaarit.
- Tamanna sioqqullugu oqaloqatigiissutigerusutasi allattorsigik.
- Oqaloqatigiinnerup nalaani paasissutissat pingaarutillit allattorsigik.
- Pappiaqqat pingaarutillit allattukkallu naniuminarsillugit mappimut katersukkit.





Nappaatip suussusersin qarnerata kingorna ikiorneqarneq tapersorsorneqarneq

- Nakorsamut, puigotunngortunut ataqatigiissaarisumut allanullu isumaqatigiissutivit allattonnissaannut ullorsiutit atukkit.
- Ataatsimeereernerni suna oqaluuserisimanerlugu ullorsiutinni allattarit, taamaalillutit pisunut nalunaarsuiffimmik ullorsiuteqalissaatit.

